



Universitätsbibliothek Paderborn

**Jch [...] vonn [...] macht || Offenbarer Notarius/ vß vnnd in
krafft der Römi=||scher Keys. Maiestat/ vnser aller
gnedigsten herren ge||thanen beuelhs/ hierzu sunderlich
erfordert/ insinuire[n] || ...**

[Köln], [1546]

[Text]

urn:nbn:de:hbz:466:1-35207

Infirmatio
Archidion
S. f. 30

Ich **vonn** **mache**
 Offenbarer Notarius / vß vnnnd in krafft der Römischer
 Keyf. Maiestat / vnfers aller gnedigsten herzen ge
 thanen beuelhs / hiez zu sunderlich erfordert / insinuire
 vnnnd verkündigen durch diß glaub
 würdig Transsumpt vnd vidimus / so ich hie
 mit zustellen vnd vberantworten / hochgedachter Keyf.
 May. Declaration / Decreet vnd erkenntniß mit einlei
 bung eins executorials vñ penals Mandats darin hoch
 gedachte Keyf. May. vß Keyf. gewalt vnd macht / vnder
 anderen alle / vnd iede neuwerungen in vnser heiliger
 Religion / widder irer May. Keyserliche Edict / Reichs
 Abscheide / Citations vnd Inhibitions brieffe / vñ auch
 widder eyns Erwürdige Thumcapittels / Cleresey vnd
 Vniuersitet zu Cölln / vnnnd irer Adherenten / an ire
 Maiestat gethane Appellation durch den hochwirdig
 sten Fürsten vnnnd herzen / herzen Herman Ertzbi
 schoffen zu Cölln vnnnd Churfürsten / zc. vnnnd seiner
 Churf. S. anhang eynicherlei gestalt vorgenommen /
 als vngbürliche vnnnd nichtige attentata erkennenet / re
 uociert / widderufft / cassirt vnd zu nicht macht / vñ als
 vngbürliche thaten / neuwerungen vnd attentata / vor
 vnbestendig / nichtig vnd vntüglich decerniert vnd decla
 riert / vnnnd daruff ferrer seiner Churf. S. vnnnd allen
 geystlichen vnnnd weltlichen Stenden / Stauen / herren /
 Ritterschafft / Stat vnd Stetten / vnd allen eingeseffen
 vnnnd verwanten des Ertzstifts Cölln / sambelich vnnnd
 sunderlich vß Keyf. macht vnnnd gewalt bei irer Maie
 stat hochster vnd aller schwerster vngnad / vnnnd bei ver
 lierung aller priuilegien / freyheiten / Regalien / lehen /
 habe / güter vnd gerechtigkeiten / die sein Churf. S. vnd
 alle vnd iede obgemelte Stende / Stat vnd Stette / ader
 son

sondere personen obgemelt von irer Keyf. May/ vnd de-
re vorfarn vnd dem heiligen Reich eynicherley weyß be-
kommen vnd inhaben/ vnd souil die wellichen berurt/
auch bei peen der Keyf. Mcht (in welche penen ire Ma-
iestat alle vnd iede/ so diesem irem Keyf. Mandat unge-
horsam vnd widerstrebich sein würden/ mit der that vn-
nachlessiglich gefallen zusein bereides decerniert vnd
erkannt hat) strenglich gepentet/ das hochgemelter Ertz-
bischoff vnd Churfurst zu Cöllen alles vnd iedes/ was
seine Churfur. S. durch sich/ oder iemants anders wid-
der bemelte irer Key. Mchtesat Inhibition/ vnd Edicta
vnd gegen bemelte Appellation gehandelt/ vnd sonder-
lich was vff dem genannten Landtage/ iungst zu Bonn
am neunten Decembris/ im Jair tausent fünffhun-
dert fünffvndvierzig gehalten/ attentiert/ geneuert
vnd vorgenommen hat/ inwendig vnd zwischen fünff-
zehen tagen/ den nechsten nach verkündigung dieser brie-
ue on eyniche lengere dilation oder vffschub widerruf-
fen/ vernichtigen/ cassiren/ vnd in vorigen Stande wid-
derstellen vnd ersetzen solle/ Vnd ich Notarius requi-
rier/ ersüche vnd erfordere hieneben
in krafft bemelter Keyserlicher brieffe inhale derselbi-
gen in nahmen vnd von wegen/ auch in krafft Keyser-
licher Ma. autoritet/ gewalt vnd macht/ das
in diesen neuwertungen vnd anderen obgemelten din-
gen vnd sachen durch hochgemelten Ertzbischoffen/ wie
obgerurt/ attentiert/ gethan vnd vorgenommen seiner
Churfur. S. nit gehorsamen/ darin nit bewilligen oder
eynichen beystande oder vergünstigung eynicherley weyß
vnder einicherley flügkeit oder bedeckzell richtig oder
vnrichtig/ heimlich od offenbar in keine wege beweisen/
sonder seiner Churfurst. S. in diesen sachen vnd din-
gen allen gehorsam entzieh/ vnangesehn aller glüdden
vnd

vnd pflichten/die sein Chür. S. von villiche vß
bracht vnd genömen oder die seiner Chür. S. ge-
than haben/ wie hart vnd verbyndlich die auch gesche-
hen sein möchten/ Welche die Keyserliche Maiestat in
diesem fall vor vntuglich vnd vnuerbyndlich decer-
niert/erklert vnd erkennet/vnd daruon
vnd alle Stende verwanten vnd vnderthanen dieses
Ertzstiftes Cöllen/vß rechter wissen vnd Keyserlicher
gewalt gentslich vnd zümall absoluiert vnd erledigt
hat / vnd das alles bey obbemelten penen/darinn die
Keyserliche Maiestat/so fer diesen Keyserli-
chenn brieffen ungehorsam oder widerstrebzig sein wür-
den mit der that gefallen zu sein erkleere vnd er-
kande hett/weichers inhalts der Keyserlicher Maiestat
brieffe/ so diesem glaubwürdigen Transsumpte/das ich
hiemit vbergeb/ingeleibt seindt.

